

686

ឧបកិច្ចបិទក្នុងឧបកិច្ចសង្គ្រោះ

AWIG-AWIG DESA ADAT SANDING

ឧបកិច្ចបិទក្នុងឧបកិច្ចសង្គ្រោះ

TAHUN 1991

ឧបកិច្ចបិទក្នុងឧបកិច្ចសង្គ្រោះឧបកិច្ចបិទក្នុងឧបកិច្ចសង្គ្រោះ

KAPARIPURNAYANG KAPING I TAHUN 1995

ឧបកិច្ចបិទក្នុងឧបកិច្ចសង្គ្រោះឧបកិច្ចបិទក្នុងឧបកិច្ចសង្គ្រោះ

KAPARIPURNAYANG KAPING II TAHUN 2018

ឧបកិច្ចបិទក្នុងឧបកិច្ចសង្គ្រោះឧបកិច្ចបិទក្នុងឧបកិច្ចសង្គ្រោះ

KAPARIPURNAYANG KAPING III TAHUN 2019



DESA ADAT SANDING

ឧបកិច្ចសង្គ្រោះ

DESA SANDING

ឧបកិច្ចសង្គ្រោះឧបកិច្ចសង្គ្រោះ

KECAMATAN TAMPAKSIRING

ឧបកិច្ចសង្គ្រោះ

KABUPATEN GIANYAR



## MURDHA CITTA

“OM SWASTYASTU, OM AWIGHNAMASTU NAMA SIDDHAM”

Malarapan panghyangning Ida Sang Hyang Widhi Wasa, Asung Kerta Wara Nugraha ngawentenang kahuripan sekala niskala, ring Bhuwana Agung lan Bhuana Alit, Manut Dresta Desane wantah pawakan pasayuban krama Desa rawuhing kula warga pawonganya. Desane kemanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung Desane wantah pawakan Bhawa maurip, jangkep saha Tri Hita Karana nya luwimya :

ha. Parahyangan, sahananing kahyangan, panyiwian Desa genah ngarcana Ida Hyang

Parama Wisesa, maka jiwana Desane

na. Pawongan, krama saha warga Desa maka sami pawakan Bayu Pramana (Tri Kaya) mawinan Desane sida molah maprawerti

ca. Palemahan, tanah kakuwuban Desa, sinanggeh stula sariraning Desa

Adung patemon Bhuwana Alit lan Bhuana Agung, larapan santa jagadhita, sinanggeh murdhaning prayojana pangriptaning Awig-awig Desa Adat ring sabha krama Desa Adat Sanding.

Pamutus sabha inucap pinaka sepat siku-siku pamatut, wastu prasida prayojanan mami kabeh prasama anghidep muwah amagehaken kadi linging Awig-awig iki.

## PRATAMA SARGAH ARAN LAN WAWIDANGAN DESA

### Pawos 1

- (1). Desa Adat puniki mawasta Desa Adat Sanding
- (2). Jebar kakuwuban wewidanganyane mapanyanding/mawates:
  - ha. Sisi wetan mapanyanding Desa Adat Tegal Saat, Desa Adat Kulub/ lan mawates Tukad Pekerisan
  - na. Sisi kulon mapanyanding Desa Adat Kulu lan mewates Tukad Petanu
  - ca. Sisi lor mapanyanding Desa Adat Bukit
  - ra. Sisi kidul mapanyanding Desa Adat Belusung /Desa Adat Tri Eka Cita.

- (3). Desa Adat puniki kawangun antuk karang ayahan Desa 457 karang lan karang guna kaya, kaepah dados 7 (pitung ) Banjar Adat :
- ha. Banjar Adat Sanding Gianyar
  - na. Banjar Adat Sanding Bitra
  - ca. Banjar Adat Sanding Serongga
  - ra. Banjar Adat Sanding Abianbase
  - ka. Banjar Adat Sanding Mancawarna
  - da. Banjar Adat Sanding Padangsigi
  - ta. Banjar Adat Sanding Karanganyar
- (4). Indik tempekan kamanggehang ring Banjar Adat suang suang

**DWITYA SARGAH**  
**PATITIS LAN PAMIKUKUH**  
**Pawos 2**

Desa Adat Sanding ngamanggehang pamikukuh makadi :

- ha. Pancasila
- na. Undang Undang Dasar Negara Republik Indonesia 1945, utamane pasal 18B ayat 2
- ca. Undang Undang No.39 Tahun 1999 tentang HAM
- ra. Peraturan Daerah Provinsi Bali Nomor 4 Tahun 2019 tentang Desa Adat di Bali
- ka. Tri Hita Karana manut sadacara Agama Hindu

**Pawos 3**

Patitis Desa Adat Sanding luire:

- ha. Ngukuhang miwah ngrajegang Sanghyang Agama
- na. Nginggilang tata Prawertine maagama Hindu
- ca. Ngarajegang kasukertan Desa saha pawongannya sekala lan niskala

# TRITYA SARGAH SUKERTA TATA PAKRAMAN

## Palet 1 Indik Krama Pawos 4

- (1) Sane kabawos Krama Desa inggih punika kulawarga sane maagama Hindu, ngamong karang Desa, karang gunakaya. Saha mapipil jenek mapaumahan ring wawidangan Desa Adat Sanding;
- (2) Sajaba punika kabaos Krama Tamiu lan Tamiu :
- (3) Sane kabaos Krama Tamiu inggih punika warga sane maagama Hindu mawit saking dura Desa, jumenek ring Desa Adat Sanding;
- (4) Sane kabaos Tamiu inggih punika warga sane tan maagama Hindu mawit saking dura Desa jumenek ring Desa Adat Sanding;
- (5) Indik Krama Tamiu lan Tamiu lan sane tiosan selanturnya manut pararem.

## Pawos 5

Krama Desa wenten 4 (petang) pawos luire :

- ha. Krama marep, inggih punika kulawarga sane ngamong karang Desa;
- na. Krama pangele /pangempian kulawarga sane nenten ngamong karang Desa, nanging sampun mapawiwahan;
- ca. Krama balu, krama sane katinggalin seda olih lanang utawi istrinyane utawi sangkaning nyapihan, Krama inucap kabinayang dados :
  - 1) Balu *makrambian*, inggih punika balu sane maduwe sentana dereng marabian utawi dereng antes ngayah
  - 2) Balu *ngalisting* inggih punika balu sane tan madue sentana.
- ra. Krama Tapukan, kulawarga manut aksara ha utawi na ring ajeng sakewanten durung antes ngayah utawi selami kantun masekolah malarapan ilikita pastika saking sekolahnya, manut pararem.

## Pawos 6

Ngawit dados Krama Desa :

- ha. Sangkaning ngamong karang utawi jenek mapaumahan,
- na. Mawiwit pawiwahan.

### Pawos 7

Panamaya tedun makrama Desa :

- ha. Sangkanin pawiwaha ngawit sasih kadasa saha majalaran antuk paigum saderengnya, sajawaning ayah panyelidihi, nglantur pramangkin.
- na. Sangkanin ngamong karang ngawit jenek mapaumahan, manut perarem
- ca. Krama Tamiu sane mapangarsa dados Krama Desa manut pararem kadulurin antuk pinunas ring Prajuru Desa.

### Pawos 8

Sahanan Krama Desa keni tategenan luire :

- ha. Ayah marep, mapiteges urunan miwah ayahan mamungkul.
- na. Ayah pangele/pangempian, mapiteges urunan saparo saking krama ngarep.
- ca. Ayah balu, ayah miwah urunannya manut kahanan balu inucap.
- ra. Ayah tapukan, keni urunan mamungkul, kaluputang ayah-ayahan, ngantos mayusa 20 warsa, utawi sampun mawiwaha. Yening kanton masekolah taler kaluputang ayah-ayahannya malarapan ilikita pastika saking sekolahnya.
- ka. Prade rikalaning ngayah wenten sinalih tunggil krama matilar tanpa sadok sadereng puput karya, wenang krama inucap keni pamidanda manut pararem, *tanjek laler* kawastanin.

### Pawos 9

Swadarman Krama tiosan ring tategenan luire :

- ha. Tinut saturut ring sadaging awig-awig, perarem lan paswaran Desa
- na. Tan maren ngutsahayang mangda Desane mrasidayang nyujur manut patitis
- ca. Tinut ring pidabdab Guru Wisesa

### Pawos 10

Swadharman Krama tamiu miwah tamiu luire :

- ha. Prade wenten Krama Tamiu makayuman tedun dados krama Desa patut nawur *pamlaga* manut padruwen Krama Desa Adat Sanding lan padruwen Banjar Adat suang- suang sane wenten ring pipil Desa lan Banjar Adat
- na. Tinut saturut ring yasa kertin Desa Adat Sanding
- ca. Tan piwal ring sadaging awig-awig, pararem Desa/Banjar saha paswaran Desa/Banjar

- ra. Nyadokang raga ring Prajuru masengker tigang rahina sesampun jumenek malarapan antuk ilikita pastika saking Desane utawi sang ngawewenang
- ka. Yan tan tinut pacang *kairid* (tan kadadosang jumenek ring Desa)

### Pawos 11

Piilih-olihan Krama :

- ha. Polih pasayuban sekala niskala tur kabaosin saha katiwakin pamutus sahanan wicaranya.
- na. Nyarengin paruman tur wenang sareng mastikayang pamutus.
- ca. Kadadosang madeg prajuru, manut pawos 14 angka 3.

### Pawos 12

Krama Desa Adat kadadosang :

- ha. Mapwangkid utawi tan tedun ngayah
  - 1) Rikala mayadnya, matepetin rare, sungkan, kaluasan lan siosan punika manut perarem.
  - 2) Kengin tempo wantah apisan sawawaning wenten wak-wakan saking Prajuru Desa.
- na. Nyada: mapiteges ngamademang ayah risampun mayusa 70 warsa, sangkaning sungkan nerus, manut pangarsan sang katiben.
- ca. Sanc sampun Nyada kadadosang nyuksukin ayah-ayahan kulawarganyane ten dados nyuksukin krama tiyosan.
- ra. Sang Nyada mangda digelis nyantenang panyeledihi wanengnyane awarsa ngawit panyepian, yan ten asapunika panyeledihi pacang kadagingin olih Desa manut pararem
- ka. Nyade, utawi nyuksukin sanekawenangang risampun manggeh deha truna utawi mrasidayang nginutin ayah-ayahan krama
- da. Nutug ayah antuk arta brana santukan kapialang utawi ngentos ayah-ayahan antuk arta brana manut perarem

## Pawos 13

Wusan dados krama Desa luire :

ha. Sangkaning :

- 1) Pinunas ngeraga manawi kesah ke dura Desa.
- 2) *Kanorayang* duaning sampun tan prasida ngeahin solah maprewerti satata tan tinut ring pamargin awig-awig.
- 3) Wusan makrama Desa mapiteges taler wusan makrama Banjar, utawi wusan makrama Banjar mapiteges wusan makrama Desa mangda sampunang kasinanggeh *empak ngelanting*.

na. Sang wusan makrama :

- 1) Patut ngaturang karang ayahan ke Desa prade karang punika karang Desa.
- 2) Tan polih pah-pahan saking padruwen Desa Adat utawi pah-pahan padruwen Banjar
- 3) Tan polih pasayuban sajeroning katibenin panca bhaya
- 4) Sang wusan makrama Desa/Banjar prade mewali malih patut nawur saurah arih tategenan krama manut pararem.

ca. Sang wusan sangkaning *kanorayang* prade mawali malih patut :

- 1) *Muntasang* sakeluir pamidanda utawi tategenan sane ngranayang kanorayang.
- 2) Nunas geng pangampura ring paruman Desa saha Banjar maduluran panyangaskara panyapsap kaiwangan duaning nguwak pasubaya manut pararem.

## Palet 2

### Prajuru lan Dulun Desa

## Pawos 14

- (1). Desa Adat Sanding kaenter olih Bendesa
- (2). Banjar Adat kaenter olih Klian Banjar Adat
- (3). Bandesa Adat, Klian Banjar Adat patut :

ha. Mawiwit saking krama sane sampun tedun 5 (limang) penyepian, kajangkepin antuk :

- 1) Uning ngawacen latin lan aksara Bali
- 2) Uning ring tata titining mawa Desa
- 3) Uning ring parindik Agama lan Adat
- 4) Lascarya ngayah tur madrue parilaksana sane rahayu
- 5) Sampun mayusa sekirangnyane 42 tiban
- 6) Prajuru Adat tan kawenangan ngerangkep jabatan ring sejeroning Desa Adat
- 7) Jumenek ring wewidangan Desa Adat Sanding.

na. Kaadegang malarapan antuk kacatri olih paruman soang-soang nyabran 5 (limang) warsa sajawaning parindik tios tur dados kacatri malih apisan.

ca. Maduluran Pawintenan ring Pura Bale Agung.

(4) Sabha Desa lan Kertha Desa kaadegang manut pararem.

#### Pawos 15

(1). Bandesa kasangga olih :

- ha. Patajuh utawi pangliman pinaka wakilnya.
- na. Panyarikan pinaka juru surat.
- ca. Patengen utawi juru raksa pinaka pangamong druwen Desa.
- ra. Klian Banjar Adat ring sawewengkon Desa Adat.

(2). Kelihan Banjar Adat kasangga olih :

- ha. Panyarikan pinaka juru surat
- na. Patengen utawi juru raksa pinaka pangamong druwen Banjar
- ca. Kasinoman pinaka juru arah akehnya manut kawigunan saha magilir nyabran ngasasih.

(3). Sajeroning ngenterang kasukertan niskala, Bandesa mingsinggihang pamangku Kahyangan Desa utawi sang maraga Sulinggih

## Pawos 16

(1). Swadarmaning Bandesa luwire :

- ha. Ngenterang pamargin sadaging awig-awig, pararem miwah paswaran Desa;
- na. Nuntun tur ngenterang krama rauhing warga Desa sami ngupadi manut patitis;
- ca. Maosin kalih niwakang pamutus arep ring wicara warga Desa manut awig-awig;
- ra. Ngenterang sahanan raja brana druwen Desa (Pawos 24);
- ka. Maka duta Desa matemuang baos ring sapa sira ugi.

(2). Prade Prajuru iwang palaksana keni pamidanda nikel ring kaiwang soang-soang krama, tur dados karayanang manut pararem.

## Pawos 17

Patias utawi olih-olihan prajuru/dulun Desa luire :

1. Bandesa

- ha. Luput rerampen lan papeson;
- na. Polih tanding tengah;
- ca. Upon pacatu/ palaba carik/tegal
- ra. Olih-olihan duwe Desa Adat manut pararem

2. Prajuru Desa

- ha. Luput rarampen lan papeson
- na. Polih tanding tengah

## Pawos 18

(1). Prajuru/Dulun Desa kagentosin riantukan :

- ha. Seda
- na. Sampun puput ayah-ayahan manut sengker
- ca. Wit saking pakayun utawi pinunas ngaraga
- ra. Kanorayang duaning iwang pamargi utawi nilar sesana.

(2). Ngentosin prajuru/dulu-dulu patut sajeroning paruman tur kaingkupin olih krama Desa.

**Palet 3**  
**Indik Kukul**  
**Pawos 19**

- (1). Kukul ring Desa luire :
- ha. Kukul ring kahyangan;
  - na. Kukul Banjar
  - ca. Kukul Maksan, Panti, Paibon
  - ra. Kukul sekaa-sekaa
  - ka. Kukul Subak
- (2). Tabuh tatepakan kukul ring kahyangan Desa :
- ha. Nungtit / silih asih, tengeran wenten yadnya/upacara
  - na. Kalih tulud banban, tengeran tedun ngayah.
- (3). Tabuh tatepakan kukul ring soang-soang be-Banjaran
- ha. Bulus :
    - 1) Atulud bulus ngulun, tengeran geni baya
    - 2) Kalih tulud bulus, tengeran kapandangan (artha Bhaya)
    - 3) Tigang tulud bulus, tengeran jiwa bhaya (ngamuk)
    - 4) Tigang klentungan bulus panjang, tengeran lindu, er lan pawana bhaya
  - na. Banban:
    - 1) Kalih tulud banban, tengeran tedun ngayah utawi wenten pakaryan
    - 2) Nungtit / silih asih, tengeran surya graha, bulan kepangan/candra graha
    - 3) Tigang klentungan nyantel banban, tengeran kalayu sekaran,
    - 4) Atulud banban selanturnyane tengeran nedunang krama Banjar
    - 5) Kalih tulud banban tengeran ngerorod (pengantenan)
    - 6) Mawiwaha, tigang klentungan banban
    - 7) Ngembasang putra, tigang klentungan nyantel

**Pawos 20**

- (1). Kukul Desa utawi Banjar tan wenang katepak yening tan sangkaning pituduh prajuru Desa/Banjar sajawaning tengeran bhaya
- (2). Sang nepak tan sangkaning pituduh patut digelis atur supeksa maka buatan panepakne yen tan sapunika wenang sang mamurug kadanda manut pararem

- (3) Kalkul sekas-sekas sunahitu kalkul pondok-perdolan tan kalugra nyawerin (matohin) sukut utawi tengeran kalkul Desa/Banjar sejawaning tengeran bhaya, prade mamurug taler kadanda manut pararem.

#### Palet 4

#### Indik Paruman

#### Pawos 21

- (1) Paruman / sangkepan ring Desa Adat Sanding wenteti :
- ha. Paruman Desa/Banjar kawentenang :
    - 1). Nyabran ngasasih nemunan Wraspati Umanis, tanpa arah-arah duaning sampun tetep pamunya manut pararem beBanjaran soang-soang.
    - 2). Napkala (padgata kala) maka jalaran arah-arah manut tatujon;
  - na. Sangkepan prajuru/dulun Desa, kawentenang manut wiguna
  - ca. Paruman Banjar, Paruman sekas-sekas manut pabuat.
- (2) Paruman Desa utawi Banjar madudonan sakadi ring sor :
- ha. Prasida lumaksana risampung katedunan olih sanistanya lintangan malih adiri ring atenga nang patut ngamiletin, kadalutin antuk tengeran kukul miwah mabusana Adat madya, saha tan kalugra makta gegawan sakalure, tan maren ngarcana ring Ida Bhagawan Penyarikan maka sarana upakara Cane.
  - na. Ten kalugra ngawetuang suara goea utawi byota yen wenten asapunika keni pamidanda bea pecamil kadi dandaning nguman uman ring sabha manut pararem
  - ca. Pamutus bebaos brik sapunggal (ingkap) punika kamanggehang.
- (3) Prade padaging paruman tan katingkapi mangda prajuru/dulun Desa ngilikang bebaos, saha pamutusnya mangda kacacemin olih krama Desa, bilih tan prasida katingkapi jantun ping tiga prajuru/dulu wewang ngawilang suara pamilet paruman, suara sanc akewan kangkat dadus pamutus paruman

#### Pawos 22

- (1) Sajeroning paruman Desa, Blandesa patut nyobyahang pamargin ngenterang Desa, utamana ngemini indik :
- ha. Mungut langsung ring paruman saha ayah-ayah, sulut arta brana drugin Desa
  - na. Rancikan prajuru/dulu ngemini usaha Desa kapungkur.
- (2) Pamutus paruman Desa sitanggah pararem maka pamitegep daging awig-awig

**Pawos 23**

- (1). Sangkepan prajuru/dulun Desa kawenangan wantah ngerincikang pangerencana usaha Desa kapungkur;
- (2). Sangkepan prajuru/dulun Desa tan kawenang ngemedalang tategenan ring krama Desa sadurung kaingkupan olih krama Desa ring paruman
- (3). Pamutus sangkepan prajuru/dulun Desa ngawetuang paswara, maka pidaging pituduh sang ngawewenang utawi ngonekang pecak pararem krama Desa

**Palet 5**

**Indik Druwen Desa**

**Pawos 24**

Padruwen Desa Adat Sanding sakadi ring sor :

- ha. Kahyangan Desa luire :
  - 1). Kahyangan Tiga : (Pura Desa, Pura Puseh, Pura Dalem),
  - 2). Pura Bale Agung, Pura Catur Bhuana, Pura Prajapati kakalih
  - 3). Setra kakalih.
- na. Kayangan Desa luire:
  - 1). Pura Penataran
  - 2). Pura Gaduh
  - 3). Pura Pasimpangan Tirtha Empul
  - 4). Pura Masceti Tegeh
  - 5). Pura Tirta Anom
- ca. Pura Melanting ring suang suang Banjar
- ra. Pura Subak luire:
  - 1). Pura Masceti Sanding
  - 2). Pura Masceti Selasih
  - 3). Pura Mertasari
- ka. Tapakan pralingga Desa luire:
  - 1). Ratu Lingsir lan Ratu Sakti
  - 2). Ratu Anom
  - 3). Ratu Gede Desa lan Ratu Sakti
  - 4). Ratu Mas lan Ratu Sakti

- 5). Ratu Gede Mertasari lan Ratu Sakti
- da. Lelanguan makadi tetabuhan gong padruen Desa lan suang-suang Banjar luire:
- 1). Gong druen Desa
  - 2). Gong suang-suang Banjar : Banjar Sanding Gianyar, Banjar Sanding Bitra, Banjar Sanding Mancawarna, Banjar Sanding Karanganyar, Banjar Sanding Abianbase, Banjar Sanding Serongga.
  - 3). Gong Semar Pagulingan Banjar Sanding Bitra
- ta. Lelanguan makadi tetabuhan angklung padruen suang-suang Banjar luire: Banjar Padangsigi, Banjar Sanding Serongga,
- sa. Ilen-ilen wali pura:
- 1). Rejang lan Baris,
  - 2). Rejang Renteng
- wa. Wantilan/ Bale Banjar luire:
- 1). Wantilan Desa Adat Sanding 6 bungkul
  - 2). Wantilan Pura Kayangan Desa 5 bungkul
  - 3). Wantilan Pura Subak 3 bungkul
  - 4). Bale Banjar suang suang Banjar 7 bungkul
- la. Tanah carik (manut ilikita), pelaba pura sertifikat no:
- 1). Laba pura Desa Sanding No. 103. Luas: 1230 M2
  - 2). Laba pura Desa Sanding No. 731. Luas: 1699 M2
  - 3). Laba pura Dalem Sanding No. 427. Luas: 1580 M2
  - 4). Laba pura Dalem Sanding No. 729. Luas: 2178 M2
  - 5). Laba pura Catur Bhuana No. 402. Luas: 310 M2
- ma. Karang ayahan Desa 457 karang ring ajeng pawos 1 angka ( 3 )
- ga. Lembaga Perkreditan Desa ( LPD ) Desa Adat Sanding
- ba. Warung Desa Adat Sanding.

#### Pawos 25

Pioli-olihan Desa Adat Sanding:

- ha. Pioli-olihan saking Palaba Pura
- na. Urunan krama Desa Adat Sanding
- ca. Pah-pahan pikoli-olihan sakeng LPD lan warung Desa

- ra. Paica saking Guru Wisesa
- ka. Utsaha Desa Adat minakadi manut paruman Krama Desa
- da. Dana-dana tiosan sane patut.

#### Pawos 26

- (1). Prajuru/dulun Desa wenang ngetangang pamupon laba pura lan saluirin druwen Desa
- (2). Pikolih lan pamuponnya kaanggen prabeya piodalan saha wawangunan ring pura miwah anggen bebuatan Desa, setiosan ring laba Prajuru lan Pamangku
- (3). Nyabran pasangkepan Desa, Prajuru/dulu pangamong druwen Desa nguningayang pariindik munjuk lungsuring padruwen ring krama
- (4). Sakeluiring druwen Desa patut wenten ilikitanya
- (5). Tan kalugra ngadol utawi ngesahang padruwen Desa yan tan kaingkupin olih krama Desa ring paruman.

#### Palet 6

#### Sukerta Pamitegep

#### Kaping 1

#### Indik Karang, Tegal lan Carik

#### Pawos 27

- (1). Krama Desa pangamong karang Desa utawi karang gunakaya patut ngawatesin karang inucap antuk tembok utawi pagehan mangda pakantennya asri (yaning ngangge pagehan tan dados tegehan ring 1,5 m sane kawastaning karang ayahan Desa manut pararem
- (2). Wates sisi kaler miwah kangin patut kakaryanin olih sang ngamong ayahan karang inucap, sane mawasta gegaleng keluan. Tanah pecatu, tegal, carik, utawi tanah padruwen ngraga, sane kapiara watese (pateh megaleng kateben).
- (3). Prade karasayang pagehan/turus inucap ngalikadin, yan pada arsa panyandinge, kengin watese nganggen pinget kewanten, kasaksiang oleh prajuru/dulun Desa utawi pracihne saking sang ngawewenang.
- (4). Prade wenten karang/tegal lan carik kabebeng/empet mangda kautsahayang wenten pemarginya, manut paigum lan pararem.

## Pawos 28

- (1). Sinalih tunggil krama Desa/Banjar ten kalugra :
  - ha. Ngalah-alah margi, tegal ayahan Desa, karang Desa lan carik sapenunggalannya.
  - na. Ngalah-alah tanah linggih khayangan, tegak sertra, lan sakancan linggih sinanggeh suci
- (2). Prade wenten sekadi ring ajeng, sang ngalah-alah wenang ngawaliang tanah inucap saha keni pamidanda manut pararem kadulurin upakara prade ngalah-ngalah tanah suci.

## Kaping 2

### Pepayonan

## Pawos 29

- 1). Pepayonan tanem tuwuh patut adepa agung ( 2,25 meter) ngajeroang saking wates, prade jantos ngaliwat wates wenang kasepat gantungin
- 2). Yening wenten tetanduran ngungkulin, samaliha mawastu mayanin kapisaga patut kewara antuk paiguman ring ajeng mangda prasida sang nruwenang Taru ngarebah utawi notor.
- 3). Prade sampun kawara tan wenten usaha sang nruwenang Taru, sang rumasa katetchan/kajerihan wenang masadok ring prajuru/dulu, tur risampun keparitatas kalugra mademang taru inucap, sakewanten patin pepayonan patut katawur manut pangeloika sane nepasin (manut pararem).
- 4). Sang keni pamidanda panyangaskara saha prabea manut pararem arep ring wewangunan sang karubuhin luire :
  - ha. Sang nruwenang taru sinanggeh mayanin, prade pungkut ngarubuhin wewangunan krama tios.
  - na. Sang sane notor, munggul utawi ngarebah taru tur ngarubuhin krama tios.
- 5). Prade wenten taru mentik sajeroning wates patut kapademang mangda tau ngranayang wicara. Prade sampun ageng kapademang punika pinara tiga :
  - ha. Apah tiga katur ring sang nruwenang taru
  - na. Apah tiga katur ring sang panyandingnya
  - ca. Apah tiga katur ring Desa Adat

- 6). Krama Desa patut ngamanggehang kawerdian tanem tuwuh, sane ngawinang Desane asri, tur ngupapira ambal-ambal sane sampun kasinanggehang olih Desa Adat antuk tatanduran karang sari.

### Kaping 3

#### Wawangunan

#### Pawos 30

- 1). Nyabran ngewangun patut :
- ha. Masadok ring prajuru/dulu, ping ajeng prade wewangunanne ngeninin wates
  - na. Ngangge sukat asta bhumi miwah gegulak asta kosala-kosali, sanistane manut ring petitis niskala.
  - ca. Yan prade wenten ngewangun graha ngulunin parahyangan lan setra mangda mawates adepa agung (2,25 meter) lan ten dados matingkat
  - ra. Tan dados ngewangun parahyangan tiosan ring parahyangan umat Hindu
  - ka. Tan dados ngalimbakan kahyangan tiga
  - da. Tan nyayubin ke pisaga
  - ta. Tan dados ngembahang toya wit saking jempeng/paciringan (WC) miwah belengbeng/bada ke pisaga, ke margine , ke carike, ke tlabaha, utawi ke tukade.
  - sa. Tan dados mebacin ring tlabah lan tukad.
- 2). Prade wawangunan jantos nyayubin, bilih-bilih temboke ring telengin wates, risampun kawara tur kasadokang ring prajuru/dulu wenang kedanda manut pararem saha tembok inucap kagubar.

### Kaping 4

#### Wewalungan

#### Pawos 31

- 1). Warga Desa sane memiara wewalungan patut sayaga nitenin negul/ngalogor mangda tan ngarusak karang utawi pabianan krama sios, bilih-bilih jantos ngeranjing ngaletchin kahyangan.
- 2). Prade wenten wewalungan malumbar utawi ngeleb ngarusak pakarangan/pabianan krama sios, risampun kawara dados kataban tur kadanda ngawaliang wit sane

kerusak saha nawur panebas papiaran tetaban, manut pangelokika prajuru/dulun  
Desa (manut pararem).

- 3). Prade jantos ngaletihin linggih suci, minakadi pamrajan, risampun kaparitatas olin  
prajuru/dulu wenang sang nruwenang kadanda mabuhu agung (caru eka sata  
maduluran tebasan prayascita durmenggala), prade ngaletihin kahyangan Desa  
utawi pura pamaksan, wenang nyarunin antuk Panca Sata maulu itik belang kalung.
- 4). Krama Desa patut nyanggra wawalungan miwah sarwa prani, tan kapatutang  
ngamademang paksi, nuba ulam, miwah sane tiosan, prade wenten malaksana  
sakadi punika keni pamidanda manut pararem tur katurang ring sang  
ngawewenang.

### Kaping 5

### B h a y a

### Pawos 32

- (1). Parindik bhaya luire; jiwa bhaya, artha bhaya (kapandangan), pawana bhaya, er  
bhaya lan dura cara ring agama.
- (2). Sang maggihin kahanan jiwa bhaya, patut nepak kulkul bulus mapitulung manut  
pawos 19 (3) aksara ha.
- (3). Prade ring Desa kahanan jiwa bhaya, patut Desane ngaturang bhuta yadnya, tur  
sang mayanin katurang ring sang ngawewenang.
- (4). Prade wenten jatma mamisuh utawi nguman-uman jatma tiyos, keni pamidanda bea  
pacamil maduluran tebasan prayascita.
- (5). Yening wenten jatma majengilan ring bale Banjar, ring pura, utawi ring genah sane  
kasinanggeh suci, keni pamidanda manut pararem.

### Pawos 33

- (1). Sang manggihin kahanan artha bhaya (kamalingan) patut ngulkul mapitulung  
manut ring pawos 19 (3) aksara ha utawi sang kamalingan atur supeksa ring  
prajuru/dulun Desa sane pacang nepasin wicara punika. Prade wenten jatma  
ngamaling barang sinanggeh suci, keni penyangaskara lan pamidanda manut  
pararem.

- (2). Pratingkahe mapailon ring dusta kebaos saruron, prade wenten jatma manggihin maling ten nyadokang ring prajuru/dulu jantos jatma tios nyaduang, patut kadanda kadi dandaning maling. Sakweh pangaran nikel manut cacakan Banjar, tur prade jantos ping tiga malaksana asapunika kasukserah ring sang ngawewenang.
- 3). Prade wenten jatma ngerereh raramon, minakadi daun kelapa, ron miwah sane siosan tan pasadok ring sang nruwenang wit, prade kacunduk (ketara) patut kadanda kadi dandaning maling (manut pararem).
- 4). Mangda tan katuwekang manut sekadi ring ajeng, asing-asing ngaranjing ke pakubon jatma tios patut :
- ha. Matengeran suara (makaukan) tatkala suwung
  - na. Nyantos sang nruwenang karang rawuh utawi masadok ring pangapit pinih tampek maka buatan pangranjinge.
  - ca. Pamedal diwangnya kadagingin sawen, makecihne pangarah rikala suwung.

#### Kaping 6

#### Panyanggran Banjar

#### Pawos 34

Krama Desa rikala ngawentenang karya suka duka, patut kasanggra olih Banjar luwire :

- ha. Prade ngawangun Panca Yadnya manut pinunas sang mayadnya.
- na. Pangerombo tiyosan manut pararem Banjar soang-soang.

#### CATURTAS SARGAH SUKERTA TATA AGAMA

#### Palet 1

#### Indik Dewa Yadnya

#### Pawos 35

(1). Kahyangan panyiwian ring sawewidangan Desa Adat Sanding luire :

- ha. Kahyangan sane kasiwi olih Krama Desa Adat Sanding kadi ring sor :
  1. Kahyangan Tiga (Pura Puseh, Pura Desa, Pura Bale Agung, Pura Dalem lan Prajapati)
  2. Pura Catur Buana
- na. Kahyangan sane kasiwi olih Banjar:
  1. Pura Penataran kasiwi olih Banjar Sanding Bitra
  2. Pura Gaduh kasiwi olih Banjar Sanding Gianyar

3. Pura Pasimpangan Tirta Empul kasiwi olih Banjar Sanding Mancawarna
4. Pura Masceti Teguh kasiwi olih Banjar Sanding Mancawarna
5. Pura Tirta Anom kasiwi olih Banjar Sanding Padangsigi
6. Pura Ulun Banjar / Melanting suang -suang Banjar

ca. Kahyangan sane kasiwi olih subak:

1. Pura Masceti Sanding
2. Pura Masceti Selasih
3. Pura Mertasari

(2). Rahina piodalan ring soang-soang kahyangan inucap kadi ring sor :

ha. Ring Kahyangan Desa Adat Sanding :

1. Pura Desa lan Pura Puseh rahina Buda Umanis Medangsia
2. Pura Bale Agung rahina Buda Wage Klawu
3. Pura Dalem lan Prajapati rahina Saniscara Kliwon Kuningan
4. Pura Catur Buwana rahina Buda Pon Tolu
5. Pura Penataran rahina Buda Kliwon Pahang
6. Pura Gaduh rahina Anggara Kliwon Kulantir
7. Pura Pasimpangan Tirta Empul rahina Buda Kliwon Matal
8. Pura Masceti Teguh rahina Buda Wage Klawu
9. Pura Tirta Anom rahina Buda Manis Perangbakt
10. Pura Masceti Sanding rahina Buda Wage Langkir
11. Pura Masceti Selasih rahina Buda Kliwon Sinta
12. Pura Merta Sari Purnama Kedasa
13. Pura Ulun Banjar /Melanting:
  - 1). (Mancawarna, Sanding Gianyar, Abianbase) rahina Saniscara Kliwon Landep.
  - 2). Padangsigi rahina Saniscara Kliwon Krulut
  - 3). Serongga rahina Saniscara Kliwon Uye
  - 4). Sanding Bitra rahina Saniscara Kliwon Wayang
  - 5). Karanganyar rahina Anggara Umanis Wariga

na. Upacara karya ring Pura Kayangan Tiga lan Pura Catur Bhuwana kapuput olih Ida Pedanda Griya Sanding ring Pejeng.

### Pawos 36

- (1). Ring soang-soang pura inucap patut kaadegang pamangku:
- (2). Ngadegang pamangku manut dudonan
  - ha. Turunan utawi waris
  - na. Nyanjan utawi masembaran, soang-soang mapinunas ring ajeng pura wiadin kadura Desa manawi ring Balian sonteng lan sapanunggalanya
  - ca. Ngemargiang Lekesan
  - ra. Kacatri olih krama Desa
- (3). Ten kawenang adegang pamangku luwire :
  - ha. Ceda angga makadi :
    1. Peceng
    2. Perot
    3. Cungih
    4. lan sapanunggilan ipun (sajawaning wenten baos pawisik rikalaning nyanjan ring ajeng pura)
  - na. Sungkan
    1. Ila
    2. Ayan
    3. Buduh wiadin edan
  - ca. Sane ten madrebe kasucian urip
- 4). Prabea kapamangkuan :
  - ha. Adiksa Widhi (ngawintenang) lanang lan istri kamedalin saha kalaksanayang olih sang ngadegang mekadi krama Desa utawi pangempon pura soang-soang.
  - na. Mapitra yadnya riwekas lanang miwah istri patut kasanggra olih krama Desa utawi pangamong sanistane brahma prayascita manut pararem
  - ca. Sinalih tunggil krama yen wenten ngipik-ngipik sapari tingkah pamangku, nanging pamangku tan sapunika pari polahnya kadi sane keipik-ipik wenang jadma inucap kasisipang nyuciang pamangku manut pararem.
- (5). Pamangku patut ngamanggehang sesananing pamangku luire :
  - ha. Ambek dharma sadhu
  - na. Asewaka dharma, makadang sastra utama
  - ca. Tan parek ring naya dustha

- ra. Tan atayub ring tarub camara yudha
  - ka. Tan manjing ring umah wong banija karma
  - da. Tan manjing ring umah wong drati krama
  - ta. Tan wenang ajejuden
  - sa. Tan anginum asing angawe mada
  - wa. Tan pati pikul-pikulan
  - la. Tan salah sulub
  - ma. Tan wenang anayub upa drawaning cor, yen mawiyawahara teka wenang adewa saksi
  - ga. Tan griganing wong akweh
  - ba. Tan keneng cuntakaning wong len, sejawaning kulawarganya tunggil natah, utawi pasiwanya manut dresta.
  - nga. Tan wenang Sad Atatayi.
- (6). Prade mamurug, wenang pamangku nyapuhin raga kasaksinin olih prajuru Desa
- (7). Yan pacang ngawalat rabi wenang ngaturang rumuhun pawintenannya ring pura genahnya madeg pamangku nguni, tembenya wawu wenang ngawalet rabi, riwus upacaranya wenang ngawana wasa salaminya awarsa, wus punika wawu mawinten kadi pawintenannya nguni

#### Pawos 37

Swadarmaning pamangku luwire :

- ha. Ngenterang upacara piodalan ring kahyangan utawi soang-soang pakubon krama
- na. Prade silih sinunggil pamangku kapialang utawi cuntaka, kengin nguntap pamangku kahyangan Desa tiosan utawi nuwur sang Sulinggih
- ca. Samaliha yan sampun pamangku ngayah ring pura kancit wenten kulawarganya seda, pamangku inucap tan keneng cuntaka sakewanten pamangku tan budal salami piodalan.

#### Pawos 38

Patias utawi olih-olihan pamangku Khayangan Tiga luire :

- ha. Pah-pahan sarin canang ring kahyangan manut pararem
- na. Sarin canang yening muput ring soang-soang pakubon krama Desa
- ca. Upon palaba carik miwah tegal manut pararem

- ra. Luput pakaryan, rarampen/raramon lan padagingan (luput manuk)
- ka. Pamangku maksan kawentenanya manut pararem Maksan

### Pawos 39

(1). Pamangku kegentosin riantukan :

- ha. Seda
- na. Pinunas ngaraga, sangkaning kageringan lan sapanunggalannya
- ca. Kauwusang olih krama sangkanin malaksana sane ten patut keni pamidanda manut pararem

(2). Prade pamangku kawusang sangkaning malaksana ten patut keni pamidanda manut pararem saha ngewaliang prabea pawintenannya pecak ( manut ilikita Prajuru )

### Pawos 40

Kasukertan kahyangan kadi ring sor :

ha. Tan kalugra ngeranjing ke pura luire :

1. Sang katiben cuntaka makadi sebel ring raga utawi kelayu sekaran
2. Makta sahanan barang sinanggeh ngaletihin
3. Sato agung, sajawaning rikala mapapada
4. Mabusana sane tan patut kadi tata caraning ngaranjing ke pura
5. Sadereng polih wak-wakan (pituduh) prajuru/dulun Desa

na. Pratingkahe tan wenang ring pura :

- 1) Masumpah (cor) sajawaning pituduh prajuru/dulun Desa
- 2) Wak parusya/wak capala, mekobetan, masanggama, makolem dados asiki lanang wadon, mabacin, mawarih, macecepin rare, majajal/majengilan nyangsang busana sajawaning Pregina lan Sulinggih, menahin pusungan (santukan punika rikala majejahitan patut magelung busung 'macongger lidinya')
- 3) Mungghah tedun palinggih sajawaning pituduh prajuru/dulu

ca. Sang mamurug kecap ring ajeng keni pamidanda pamrayascita sapatutnya manut pararem.

### Pawos 41

- 1). Yan wenten jatma karawuhan ring pura, dados kapintonin siraman antuk toya kumkuman suci. Yan sang karawuhang belus janten sampun tan kalinggihin Widhi, patut kasisipang keni pamidanda manut pararem.
- 2). Prade kahyangan kahanan durmenggala minakadi keni bhaya, pamangku/sang manggihin patut digelis nyadokang ring prajuru mangda marumang krama Desa tur ngawentenang pamrayascita sapatutnya.

### Palet 2

#### Indik Resi Yadnya

### Pawos 42

- (1). Sang pacang madeg pandita lan pinandita minakadi balian sonteng, dalam sakaluwiring sane jagi ngenterang yadnya patut masadok ring prajuru Desa Adat Sanding lan Parisada Hindu Dharma Indonesia (PHDI).
- (2). Prajuru Desa patut ngawas nitenin tur wenang ngalangin prade wenten kecihnan nyasar ring kakecap miwah drestane, tur sareng nyaksiang upacaranya saha nyobyahang ring paruman Desa tegep rawuhing wates kawenangannya ngenterang yadnya.
- (3). Krama Desa patut ngaturang ayah sapatmadeg miwah ring pangelepas sang sulinggih riwekas katuntun olih prajuru/dulun Desa manut perarem.
- (4). Pawintenan jero mangku maksan patut kasaksinin olih Prajuru Desa.

### Pawos 43

- (1). Sang sulinggih lan pamangku patut ngariyining muputang ring wewidangan Desa Adat Sanding, sesampun punika wawu dados muputang yadnya kajebar tios Desa utawi ke dura Desa.
- (2). Krama Desa sami patut sareng nitenin katuntun olih prajuru/dulu-dulu mangda sahanan yadnya sane kawentenang kaicen pamuput olih sang Sulinggih Pinandita manut kawenangannya soang-soang.

### Palet 3

### Indik Pitra Yadnya

### Pawos 44

Pamargin pitra yadnya madudonan manut sakadi ring sor :

- ha. Pangupakaran sang kalayu sekaran :
  - 1) Antuk mendem utawi ngeseng, makecihna makingsan ring ibi pertiwi utawi ring geni selami nuptupang prabea
  - 2) Atiwa-tiwa (upakara pangabenan/palebon)
- na. Upakara-upacara pitra yadnya riwusan kaabenang ngraris mungguh dau bingin (ngaroras) manut dudonan Atma Wedana.

### Pawos 45

Swadharmaning lan tategenan prade wenten sinalih tunggil krama kalayu sekaran :

- ha. Sang kaduhkitan patut :
  1. Nyadokang ring Klian tur nunas darma tatimbangan ring kawentenanya
  2. Ngaturin Banjar ngarombo makarya eteh-ete sawa manut pararem Banjar soang-soang.
- na. Ten kengin ngalelet layon langkungan ring 7 (pitung) rahina sejawaning Sulinggih, mangku Khayangan Tiga lan Mangku Pamaksan
- ca. Ten kalugra nginepang bangbang miwah mendem rikala : semut sedulur kala gotongan, pasah, kliwon, kajeng kliwon, was penganten, ingkel wong prawani, purnama, tilem, rarahinan jagat, lan kekeran Desa, manut perarem.
- ra. Prade wenten kalayu sekaran rikala piodalan, kengin mendem tanpa sadok tan nyuarang gendongan/kulkul tur mamargi wengi/sesiliban ten dados magegitan lan tan dados nyuarayang tetabuhan
- ka. Pamargin pamendeman utawi palebonan mangda nganutin sastra agama lan dresta.

### Pawos 46

- (1). Sane kasinanggeh cuntaka sakadi ring sor :
  - ha. Cuntaka antuk kalayu sekaran
  - na. Cuntaka antuk ngaraja swala
  - ca. Cuntaka antuk ngembasang putra

- ra. Cuntaka antuk karuron
- ka. Cuntaka antuk sakit ila utawi buduh
- da. Cuntaka antuk pawiwahan
- ta. Cuntaka antuk gamia gemana
- sa. Cuntaka antuk salah timpal
- wa. Cuntaka antuk yening wenten anak istri mobot nenten kaupakarayang pabiyekaonan miwah pawidi widana
- la. Cuntaka antuk mamitra ngalang
- ma. Cuntaka antuk yening wenten anak istri ngamedalang putra sadurunge maupakara pabeyakaonan miwah mawidi widana
- ga. Cuntaka antuk Sad Atetayi ( Agnida, Atharwa, Wisada, Sastragna, Dratikrama, Raja pisuna )

(2). Sengker cuntaka manut kawentenannya

- ha. Cuntaka kalayu sekaran, cuntakanya kaanutang ring loka dresta Desa Adat soang-soang
- na. Cuntaka ngaraja swala, 3 rahina ngawit saking ngaraja swala utawi salami ngaraja swala
- ca. Cuntaka ngembasang putra, 42 rahina (abulan pitung dina) ngawit saking putrane embas, utawi ngatos sampun kaupakarayang tutug kambuhan lan maprayascita manut sastra agama, sane lanang cuntaka ngantos Kepus Odel
- ra. Cuntaka karuron, cuntakanya abulan pitung dina ( 42 rahina) tur sampun metirta pamrayascita.
- ka. Cuntaka sakit ila, buduh/edan, cuntakanya manut ilikita pastika saking sang ngawewenang/ sang nambanin miwah sampun maprayascita raga
- da. Cuntaka pawiwahan, cuntakanya ngantos sasampune matirta pabeyakaonan.
- ta. Cuntaka gamia gemana, cuntakanya ngantos sasampune kapalasang/kasapihang tur sampun kawentenang pamrayascita raga miwah pamrayascita Desa Adat/Kahyangan.
- sa. Cuntaka salah timpal kapuputang manut ring panugrahan Sulinggih
- wa. Cuntaka anak istri mobot nenten kawentenang upakara pabeyakaonan, cuntakanya ngantos kawentenang upakara pabeyakaonan
- la. Cuntaka mamitra ngalang, cuntakanya ngantos kawentenang upakara pabeyakaonan

- ma. Ngembasang putra nenten kawentenang upakara pabeyakaonan miwah pawidi widana, cuntakanya ngantos wenten sane mameras sang putra, lan sampun kawentenang upakara manut ring panugrahan Sulinggih
- ga. Cuntaka Sad Atetayi, cuntakanya ngantos sampun maprayascita raga tur nenten pisan dados ngamunggahang upakara padwijatian
- (3). Cuntaka kalayu sekaran/kapademan :
- ha. Kapademan cuntakanya :
- 1). Cuntaka/sebel ka Banjar ngantos 3 rahina riwusnya mendem/manut dresta utawi sasampun polih pamrayascita
  - 2). Kulawarga pangarep sejeroning pakarangan ngantos wusan mapegat
- na. Kaabenang cuntakanya : sang madue karya Pitra Yadnya cuntakanya ngawit saking nyambut padewasan karya ngantos wusan mapegat
- (4). Sane katiben cuntaka luwire :
- ha. Kalayu sekaran sane cuntaka :
- 1) Sang sane kalayu sekaran
  - 2) Kulawarganya
  - 3) BaBanjaran
- na. Ngaraja swala sane kacuntaka : sang sane ngaraja swala
- ca. Ngembasang putra sane cuntaka : kulawargania sane ngembasang putra lanang lan istri
- ra. Pawiwahan sane cuntaka : sang sane ngalaksanayang pawiwahan lanang lan istri
- ka. Sakit ila/buduh, sane cuntaka raganya newek
- da. Karuron sane cuntaka : kulawarganya lanang lan istri
- ta. Gamia gamana sane cuntaka : sang sane ngelaksanayang gamia gemana, Desa Adat nyane
- sa. Salah timpal sane cuntaka : sang sane melaksana salah timpal, kulawarganya, Desa Adat
- wa. Anak istri mobot nenten kawentenang upakara pabeyakaonan sane kacuntakan : sane maraga istri ( sane mobot )
- la. Mamitra ngalang sane cuntaka : sane ngalaksanayang mamitra ngalang

- ma. Ngembasang putra nenten kawentenang upakara pabeyakaonan miwah upakara pawidi widana sane cuntaka : sang sane ngembasang putra, putra sane embas.
  - ga. Sad Atatayi sane cuntaka : sang melaksana Sad Atatayi
- 5). Ten keneng cuntaka luwire :
- ha. Sang Sulinggih lan Pamangku Kahyangan Tiga
  - na. Rikala piodalan risampun ngalang sasih/ngalang tengah

#### Pawos 47

- 1). Atiwa-tiwa (pangabenan) kalaksanayang antuk :
  - ha. Sawa prateka, pangabenan mawatang sawa
  - na. Sawa resi, pangabenan mawatang antuk sawa karesian
  - ca. Suwasta, pangabenan mawatang sawa sane tan kakeniang, kagentos antuk lalang utawi toya
- 2). Panemaya pangabenan wenten kalih pawos :
  - ha. Ngaben dadakan s?/bah Pramangkin manut pararem
  - na. Ngaben ngamasa, manut pararem
- 3). Dudonan pangabenan ngawit saking ngagah (seda), ngeseng ngantos pangiriman utawi nganyut : sengker wates makingsan ring ibu pertiwi/ring geni manut pararem.

#### Pawos 48

Papatusan pangabenan manut pararem Banjar soang-soang

#### Palet 4

#### Indik Manusa Yadnya

#### Pawos 49

- 1). Manusa yadnya inggih punika upacara yadnya dharmaning kahuripan manusa, ngawit saking patemoning kama bang kelawan kama petak sejeroning garbha ngantos kelayu sekaran riwekas.
- 2). Upacara ring ajeng madudonan sakadi ring sor :
  - ha. Magedong-gedongan duk pangerempinian i biang
  - na. Duk sang kamereka medal
  - ca. Kepus Odel
  - ra. Roras rahina

- ka. Tutug kambuhan ( 42 rahina)
  - da. Nigang sasihin ( 3 sasih)
  - ta. Pawetuan/otonan/odalan (6 sasih)
  - sa. Tutug kelih (ngaraja swala wadone, ngaraja singa lanange)
  - wa. Matatah/mapandes
  - la. Pawiwahan
- 3). Upacara-upacara inucap nista, madya, utama manut sastra Agama Hindu.

### Palet 5

### Indik Bhuta Yadnya

### Pawos 50

- 1). Bhuta yadnya inggih punika upacara-upacara byakala ring pertiwi lan kahyangan, sarwa prani saha upakara-upakara bhabutan miwah ring piranti siosan
- 2). Upakara pabyakala ring sarwa prani, sarwa tumuwuh muah piranti luire :
  - ha. Ring sarwa Lalandep rikala Saniscara Kliwon wuku Landep
  - na. Ring sarwa tumuwuh lan piranti rilala Saniscara Kliwon wara Wariga/Tumpek Uduh.
  - ca. Ring sarwa syandana/wahana rikala Saniscara Kliwon wara Kuningan
  - ra. Ring sarwa lelanguan rikala Saniscara Kliwon wara Krulut
  - ka. Ring sarwa ingon-ingon/wewalungan rikala Saniscara Kliwon wara Uye.
  - da. Ring sarwa ringgit, ukir-ukiran rikala Saniscara Kliwon wara Wayang.
  - ta. Upacara pekala - kalan manusa manut widi widana, kabawos pabyakala.
- 3). Upacara pabyakala ring pertiwi, kahyangan lan babutan kawastanin macaru.
- 4). Pacaruan inucap ring ajeng nista, madya, utama manut wiguna kadi ring sor :
  - ha. Eka Sata
  - na. Panca Warna (Ayam Brumbun)
  - ca. Panca Sata
  - ra. Panca Sanak
  - ka. Panca Kelud
  - da. Resi Gana
  - ta. Tawur Agung
- 5). Sejawaning kadi ring ajeng kawentenang upakara :
  - ha. Majot-jotan utawi yadnya sesa nyabran wusan ngarateng

- na. Masesapuh-sapuh rikala pacang wali ring pura
- ca. Pacaruan ngesasih kalaksanayang rikala tilem
- ra. Pacaruan pesasihan kelaksanayang ri tatkala Tilem Kawulu (ring catus pata  
Poh Tegeh lan Pura Dalem

#### Pawos 51

- (1). Nangken ngawarsa rikalaning tilem kasanga kawentenang tawur kasanga, kalanturang antuk ngrupuk, maka cihna pamagpag rahina panyepian, benjangne manut pararem.
- (2). Brata panyepian sane kamargiang olih krama Desa :
  - ha. Amati geni, tan kengin maapi-api
  - na. Amati karya, tan kengin makarya
  - ca. Amati lelungan, tan kengin maoneng-onengan, masuara gora lan sapanunggalanya
  - ra. Amati lelungan, tan dados malancaran.
- (3). Pabratan inucap kamargiang sakeng semeng ngantos semeng benjangne raris kasuarang kulkul pinaka cihna pangembak.
- (4). Sang mamurug kecap ring ajeng katureksain oleh prajuru Desa.
- (5). Riwus rahina Nyepi (benjangne) maka cihna Isaka Warsa anyar warga Desa sami maDharma Santhi

### PANCAMA SARGAH SUKERTA TATA PAWONGAN

#### Palet 1

#### Indik Pawiwahan

#### Pawos 52

- 1). Pawiwahan inggih punika patemon purusa kalawan predana malarapan panunggalan kayun suka lila kaduluran upaksaksi sekala niskala.
- 2). Pamargin pawiwahan luire :
  - ha. Papadikan, kamanggala antuk pakrunayan
  - na. Ngarorod, marangkat riyin wawu kakrunayang
  - ca. Pawiwahan /Nganten pada gelahang manut pararem
- (3). Pidabdab sang pacang mawiwaha patut :

- ha. Sampun manggeh deha truna (manut undang-undang perkawinan nomor :1 tahun 1974)
  - na. Sangkaning pada lila (tan kapaksa)
  - ca. Manut kecap sastra agama (tan gamia gemana)
  - ra. Kasudiwadani prade pangambile tios agama.
- (4). Pamargin pawiwahan mangda taler nginutin undang-undang perkawinan saking sang ngawewenang.

#### Pawos 53

- (1). Pawiwahan sane kepatutang ring Desa sekadi ring sor :
- ha. Sampun kamargiang pabyakalan utawi pasakapan, kasaksiang olih prajuru tur kapuput manut dresta.
  - na. Wenten pasaksi prajuru/dulu-dulu Desa sane mapakelingan utawi ngilikitayang Pawiwahan.
  - ca. Pawiwahan inucap ring ajeng sampun kailikitayang ring sang ngawewenang
- (Akta Perkawinan)
- (2). Parabian sane tan manut kadi kecap ring ajeng sinanggeh tan patut (tidak sah)

#### Pawos 54

Tata caraning parabian patut sekadi ring sor :

- ha. Sapa sira ugi pacang ngawarangan pakaluwarganyane patut masadok ring prajuru/dulu-dulu, selanturnya prajuru/dulu maritatas manut tan manut pamargin parabiane.
- na. Pamargin papadikan manut dudonan :
  - 1) Pakrunayan malarapan antuk canang/sedah, canang pangrawos lan daksina pajati kabaos pamuput papadikan.
  - 2) Risampun puput sang istri kaajak budal ring pakubon sang lanang saha kalanturan antuk byakala
  - 3) Mangda puput tumus sakala niskala, kulawarga purusa makta pajati ring pamerajan wadone.
- ca. Prade ngarorod/marangkat patut :
  - 1) Raraman lanange ngawewenang pamilaku/pangenduh antuk duta sakirangnya 2 (kalih) diri

- 2) Pagenahan antene tan kengin ring pakubon sang lanang sadereng ngalaksanayang upakara masegeh
- ra. Sajeroning pakrunayan/pangelukuan patut :
- 1) Kamanggala antuk geng pangampura arep ring raraman wadone
  - 2) Kaigumang baos idih keidih utawi palegayan arep ring pasewakan sang ngidih saha dewasa pakrab kambeyane riwekas
  - 3) Kacihnayang indik purusa prade sentana rajeg kajejerang kapatut ngidih anak lanang sane kebawos pawiwahan nyeburin, tur risampun sulur pamerasan kategepin kamanggehan sentana nyeburin.
  - 4) Prade tan nerima pejati, pakrunayan kamargian jantos ping tiga
- ka. Pakerab kambeyan mapiteges upacara tinas apadang (puput) makurenan duwaning manut sekadi ring sor :
- 1) Sajeroning kebawos ambe, kalaksanayang ring sakala niskala masarana jajauman miwah pawidiwidana
  - 2) Sajeroning baos kerab, kerab mateges siar, nyiarang ring pakraman
- da. Pamekas pasaksi prajuru/dulu dulu sane ngilikitayang
- ta. Antuk panyaksi krama Banjar
- sa. Keni penembas suaran kulkul manut pararem

## Palet 2

### Indik Nyapian

#### Pawos 55

- (1). Pawiwahan prasida kawusang malarapan antuk palas parabian utawi katinggalin seda
- (2). Wusan mapekuren riantukan salah sinunggil seda mapiteges balu, mekadi balu lanang/istri
- (3). Palas parabian inggih punika sangkaning mawiwit wicara
- (4). Sang ayat palas marabian patut atur supeksa pailikitan riyin ring sang runawos wastu tinas apadang pamutus kabaos nyapian wawu prajuru nyobyahang kawentenannya ring Desa

### Pawos 56

Tata cara palas parabian sekadi ring sor :

- ha. Nawur prabea pasaksi sinalih tungguil sami atenga
- na. Pagunakayan polih pahan pada
- ca. Pabekel , tatadan soang-soang kakuasa niri-niri miwah warisan kakuasa olih purusa
- ra. Ngaweruhin miwah ngupajiwain pretisentana manut swadarmaning guru rupaka
- ka. Ngelung jinah lokika prajuru/dulu
- da. Mapamit ring pamrajan sang purusa

### Pawos 57

Prade riwekas sang palas kacihnan adung malih patut :

- ha. Ngalaksanayang pawiwahan malih
- na. Kadanda nikel saking palase, manut pararem

### Pawos 58

(1). Sang balu kabinayang dados :

- ha. Balu luh wit sentana (sentana rajeg) miwah balu luh boya sentana
- na. Balu muani kapurusa (wit sentana) miwah balu muani nyeburin (boya sentana)

(2). Swadarmaning balu inucap patut :

- ha. Ngamanggehang patibrata ten kengin ngamargiang paradara/drati krama
- na. Ngawasayang waris pagunakaya ten dados ngadol, ngadeang, makidihang lan tiosan punika, sajawaning kabebasan olih pianak utawi kulawarga pinih tampek sakeng kurenanya prade pianak kantun alit-alit
- ca. Kengin ngidih sentana prade wenten pidabdab sadurung sinalih tungguil seda, saha kabebasan olih kulawarga sakeng kapurusa
- ra. Kawenangan mawiwaha malih, prade wenten kabebasan olih kulawarga sakeng purusa

### Pawos 59

Balu kaucap ten pageh sakadi ring sor :

- ha. Dratikrama utawi paradara

- na. Matilar saking pakubon ten pasadok jantos 6 (enem) sasih
- ca. Lempas ring swadarman balu tan prasida ngesehin salah maprawerti arep ring pituduh sane patut sakeng kulawarga purusa.

### Palet 3

#### Indik Sentana

#### Pawos 60

- (1). Sentana wenten kalih pawos, sane kaucap pratisentana miwah sentana paperasan
- (2). Pratisentana inggih punika sentane sane metu saking pawiwahan kapatutang
- (3). Prade wenten anak istri ngawetuang sentana nenten malarapan pawiwahan, mangda tan kantun kawastanin babinjat utawi astra patut kamanggala antuk panyangaskara
- (4). Prade pawiwahan tan ngawetuang sentana kengin ngidih sentana antuk upasaksi sekala niskala sane kawastanin sentata paperasan.
- (5). Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan kaceburin
- (6). Sang sane dados kaarsayang sentana rajeg inucap wiwit angka 5 inggih purika:
  - ha. Pratisentana wadon tunggal; utawi silih tunggal pratisentana wadon prade pretisentananne sami wadon
  - na. Sampun kamanggehang dados pratisentana lanang (purusa)
  - ca. kapawiwahang kaceburin kautamayang olih jadma sane maagama Hindu utawi jadma sane maagama tiosan sane sampun ngalaksanayang pamarisuda raga utawi Sudhiwadani.
  - ra. Sane ngamanggehang sentana rajeg patut masadok ring prajuru Desa saha prajuru Desa patut nyobyahang ring krama Desa

#### Pawos 61

- (1). Nangkat sentana manut dudonan patut makecihna panyangaskara pamerasan sane kasaksiang sakala niskala.
- (2). Sapa sira ugi krama pacang ngidih sentana patut masadok ring Bandesa sanistanya 3 (tigang) sasih sadereng pamerasan sang sane kangkat sentana, tur patut kalanturang pikarsa punika ring sang ngawewenang.

- (3). Bandesa kawakilin olih klian-klian Banjar nyobyahang ring wawidangan Desa, sang sapisira ugi rumasa ten lila mangda masadok masengker 2 (kalih) sasih sadereng kalaksanayang pamerasan ring Desa Adat.
- (4). Prajuru/dulun Desa digelis maosin saha ngicenin pamutus nepek ring catur dresta miwah pararem
- (5). Prade sulur pamerasan ten manut kadi kecap ring ajeng, prajuru/dulun Desa wenang ngandeg sang pacang mameras saha ngicenin pamutus mangda kapuputang riyin babaos, sulur utawi wicaranya.

#### Pawos 62

- (1). Pamerasan sane patut ring Desa risampun makecihna :
  - ha. Widi widana pamerasan
  - na. Kasaksinin olih prajuru Desa sane makelingang utawi ngilikitayang.
  - ca. Kasobyahang ring wawidangan Desane.
- (2). Sane patut kaperas angge sentana kadi ring sor :
  - ha. Jatma maagama Hindu
  - na. Kautamaang sakeng garis pancer kapurusa
  - ca. Papernahan nedunang saking sang meras
  - ra. Kulawarga saking purusa, prade tan wenten kengin saking wadon, yening taler tan wenten wawu kengin sekama-kama (saking kayun)
  - ka. Sinalih tunggil mawiwit saking kulawarga tunggal sanggah utawi merajan, paibon lan dadia utawi ngambil anak tiyos sakewanten sang maagama Hindu
  - da. Prade tan wenten wawu kengin sakama-kama
- (3). Kengin ngangkat sentana langkungan ring adiri, lanang lan wadon, prade ngangkat sentana lanang wadon, nenten dados kapawiwahang.

#### Palet 4

#### Indik Warisan

#### Pawos 63

- (1). Warisan inggih punika tatamian arta brana saha ayah-ayah ngupadi kasukertan sekala lan niskala saking kaluhurannya arep ring turunannya.
- (2). Kasinanggeh warisan luire :

- ha. Duwe tengah, makadi tegal, sawah, ayahan Desa, kahyangan, pustaka siwa upakarana lan sapanunggalannya.
  - na. Pamerajan
  - ca. Pagunakayan, tatadan/jiwa dana, utang piutang
- (3). Wawu kengin kabawos warisan prade wenten :
- ha. Sang mapiturun (pewaris)
  - na. Katurunan (ahli waris)
  - ca. Arta brana miwah tategenan pinakawarisan.

#### Pawos 64

- (1). Ahli waris luire :
- ha. Pratisentana purusa
  - na. Pratisentana pradana (sentana rajeg)
  - ca. Sentana paperasan lanang/wadon
- (2). Prade ten wenten sakadi ring ajeng, sang sinanggeh ahli waris :
- ha. Turunan purusa pernah mungganghang rerama lanang, pekak salanturipun rerama misan, mindon.
  - na. Turunan purusa pernah kasamping makadi kaponakan, misan, mindon

#### Pawos 65

Swadarmaning ahli waris patut :

- ha. Narima saha nguwasayang tatamian pahan saking kaluhurannya, makadi ngempon sanggah, pura dadia sungsunganyane saha pangupakaranya miwah nyelediinin ayah-ayahan pawaris
- na. Ngabenang pawaris saha ngalanturang upacara-upacara pitra yadnya.
- ca. Naurin hutang-hutang pewaris sane manut panglogika.

#### Pawos 66

Pangepahan waris manut sakadi ring sor :

- ha. Risampun kalaksanayang pitra yadnya lan hutang-hutang pawaris buntas ketaur.

- na. Para ahli waris polih pahan pada sangkaning pagunakayan, sajabaning karang/tegal ayahan Desa kaamong olih ahli waris kang sinanggeh krama ngarep
- ca. Sinalih tunggil ahli waris kengin tan polih pahan prade
  1. Nilar kawitan lan sasananing agama
  2. Alpaka guru rupaka
  3. Sentana rajeg kesah mawiwaha utawi pratisentana nyeburin soang-soang kabawos ninggal kadaton.
- ra. Boya ahli waris kengin muponin hasil manut dudonan luire :
  1. Sentana luh selami dereng kesah mawiwaha utawi tan alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemaon
  2. Balu luh wiadin muani nyeburin (soang-soang boya sentana)
  3. Mulih daha utawi teruna, riantukan ring pawiwahane pecak sampun kabawos ninggal kadaton
- ka. Pawaris kengin maweweh rikala maurip pinaka jiwa dana, tatadan makacihna paweweh tetep ring pianak sane kesah mawiwaha

#### Pawos 67

- (1). Prade sajeroning pakulawargan wenten ahli waris langkungan ring adiri patut :
  - ha. Kawentenang paigum indik padum waris inucap
  - na. Yen ten prasida katunasang dharma tatimbang ring prajuru (Kertha Desa)
  - ca. Prade taler tan wenten cumpu ring panepas Kertha Desa, kengin katumusang ring sang rumaos
- (2). Prade karang inucap kaputungan, patut prajuru/dulu dulu nibakang ring :
  - ha. Sang sinanggeh ahli waris manut pawos 64
  - na. Sang kengin anggen sentana manut pawos 62 angka (2) miwah angka (3)
  - ca. Prade taler tan wenten cumpu ring panepas Kertha Desa, kengin katumusang ring sang rumaos
- (3). Prade jantos karang Desa kaepah utawi kasepih, patut soang-soang tedun makrama Desa ngarep, sangkaning pangarsa

**SAD SARGAH**  
**WICARA LAN PAMIDANDA**

**Palet 1**

**Indik Wicara**

**Pawos 68**

- 1). Sang sane wenang nepasin saha nibakang pamutus arep ring wicara inggih punika
  - ha. Klian Banjar yening sang mawicara tunggal Banjar
  - na. Bandesa yening sang mawicara sios Banjar nanging tunggal Desa
- 2). Rikalaning nepasin miwah mutusan wicara, Bandesa Adat kalih klian Banjar wenang kawantu olih prajuru manut dudonan. Semaliha yaning kasinanggeh mabuat, klian Banjar wenang ngadegang panabeh utawi panampih rumaos.
- (3). Tata dudonan nepasin miwah mutusang wicara warga Desa makadi ring sor :
  - ha. Kaping ajeng katepasin utawi kaputusan olih klian Banjar
  - na. Yening sang mawicara tan terima ring pamutus klian Banjar, dados sang mawicara inucap nunas pamutus ring Bandesa Adat.
  - ca. Prade sang mawicara taler tan terima ring pamutus Bandesa, katunasan pamutus ring paruman krama Desa.
  - ra. Prade sang mawicara taler tan terima ring pamutus paruman krama Desa sang mawicara inucap dados nunas pamutus ring sang rumawos

**Pawos 69**

- 1). Sahananing wicara mawiwit kacorahan, tungkas ring linging daging awig-awig, pararem miwah paswaran Desa utawi Banjar, patut digelis katepasin jantos buntas tan nyantos pasadok.
- 2). Sajaba wicara kadi inucap ring ajeng sang prajuru patut malarapan pasadok sang ketiben dukkita.
- 3). Sahananing wicara patut katepasin jantos pastika iwang patutnyane malarapan Tri Pramana (saksi, ilikita, bukti).
- 4). Wangun pamutus wicara tan maren nepek ajeg manut ring catur dresta.
- 5). Patitis utawi tatujon tatiwakan pamutus ten maren ngupadi :
  - ha. Mangda krama Desa sayan uning wates iwang patut
  - na. Sang kawon tatas uning ring kaiwangannyane tur misadya nyalinin utawi ngentosin paripolahnyane.

- ca. Sang polih mangda tan bes banget nginggilang kamolihannyane, lila legawa utawi prasama ledang ring sasamaning krama utawi warga Desa, santukan iwang patute punika masanding.

## Palet 2

### Indik Pamidanda

#### Pawos 70

- 1). Desa utawi Banjar wenang niwakang pamidanda ring krama Desa utawi krama Banjar sane sisip
- 2). Paniwak inucap kalaksanayang olih Bandesa Adat utawi klian Banjar soangsoang manut dudonan
- 3). Bacakan pamidanda luire :
  - ha. Ayahan panukun sisip
  - na. Danda arta
  - ca. Panikel urunan, pamidandanyane manut pararem
  - ra. Upacara panyangaskara (pamarisudan) tur nunas pangampura ring paruman
  - ka. Kararyanang / karerenang makrama
- 4). Pamidanda sane katiwakang tan dados lempas ring linging awig-awig, pararem lan paswara, tan maren ngupadi dharma welas asih, mangde sang kadanda masalin paripolahnyane.
- 5). Pamidanda sane katiwakang patut masor singgih manut ring kasisipanyane.
- 6). Raja brana utawi jinah pamidanda ngaranjing dados druwen Desa utawi Banjar.

#### Pawos 71

- 1). Satunggil krama sane negung ten nawur dosan, urunan utawi utang ring Banjar utawi ring Desa nyantos tigang sasih wenang karampag, rarampagan kamargiang kadi ring sor :
  - ha. Kalaksanayang olih prajuru Banjar utawi prajuru Desa kasarengin oleh krama sakirangnya tigang diri sakwehnya limang diri pinaka saksi.
  - na. Sang ngarampag sangkanin darsana ngambil barang utawi nyawenin tanem tuwuh pinaka gade/wala, mungwing akwehnya manut ring utang sang karampag

- ca. Sang karampag mangda lila nyukserahang barangnyane sane dados gade/wala mawerat manut ring bobot utangnyane.
- ra. Prajuru Desa utawi Banjar miteketin mangda barang-barang sane karampag gelis katebus
- ka. Sane tan dados karampag luire : barang-barang sane kasinanggeh suci makadi wangunan pamerajan, pratima, siwaupakarana miwah sane siyosan
- da. Rarampagan taler nenten ngamademang pangupa jiwa sang karampag

#### Pawos 72

- 1). Barang-barang/raja brana sane karampag nenten katebus olih sang karampag mawaneng kalih wuku (14 rahina), barang-barang inucap dados kalelang olih krama Banjar/Desa.
- 2). Yaning sang karampag nyampet utawi ngalangi pamargin palaksana inucap mawastu sampun tan satinut ring awig-awig Desa, karang Desa sane kagenahin wenang kadaut oleh Desane.
- 3). Samaliha yening purun taler ngalangi kadi pamargi ring ajeng ten wenten pamargi sajawaning kararyanang olih krama Desane
- 4). Pamidanda inucap ring ajeng sampun kabawos buntas/puput risampun sang kadanda ngamargiang sakadi ring sor puniki:
  - ha. Nunas geng pangampura ring krama Desa/Banjar
  - na. Nawur utang-utang makesami kadulurin maprayascita panyapsap kaiwangannyane ring paruman Desa/Banjar.

### SAPTAMAS SARGAH NGUWAH NGUWUHIN AWIG-AWIG

#### Pawos 73

- 1). Nguwah nguwhin awig-awig puniki patut kalaksanayang antuk paruman Desa Adat Sanding.
- 2). Paruman inucap mangda karauhin antuk krama Desa manut tata titi paruman Palet 4 pawos 21 angka 2 aksara ha, tur pamutus babaosnnya mangda gilik saguluk olih krama Desa Adat Sanding

- 3). Pamutus babaosannyane prasida mangda malarapan gilik saguluk paras paros ingkup, yan tan prasida kengin malarapan pawilangan suara ( pemunggutan suara ) manut dudonan;
- ha. Krama Desa sane sida parum sanistanya mangda lintangan ring atenga sakeng krama Desa Adat Sanding.
- na. Suara/pawilangan suara sane ngingkupin sanistanya lintang ring atenga sakeng pawilangan suara krama Desa sane parum

**Pawos 74**

Pangrencana indik pacang nguwah kalih nguwuhin awig-awig kadi ring ajeng kengin kamedalang olih Bandesa Adat /Prajuur Desa utawi sakeng krama Desa Adat Sanding

**ASTAMAS SARGAH**

**SAMAPTA**

**Pawos 75**

- 1). Awig-awig puniki kawastanin awig-awig Desa Adat Sanding
- 2). Awig-awig puniki kamargiang ngawit kararemin
- 3). Awig-awig Desa Adat Sanding puniki manggeh tur kalaksanayang ring sajeroning wawidangan Desa Adat Sanding.
- 4). Awig-awig Desa Adat Sanding puniki ngenenin saluwiring warga/krama Desa lan saluwiring sang kakuwub olih Desa Adat Sanding

**Pawos 76**

- 1). Sakaluwiring pamargi sane wenten sadurungnya patut kaanutang ring sedaging awig-awig puniki.
- 2). Sakeluir pamargi Pakraman sane durung kebaos utawi durung munggah sajeroning awig-awig puniki patut kalaksanayang manut tata cara sane sampun ketah mamargi kedulurin pararem-pararem.

**Pawos 77**

- 1). Awig-awig puniki kaingkupin ring jaba Pura Desa, Desa Adat Sanding duk rahina Soma , Krulut, sasih ke pitu, Isaka 1901 tanggal 31 Desember 1979.

- 2). Awig awig puniki katureksain tur kebecikang olih tim Pembina Lembaga Adat Universitas Udayana Denpasar bulan Juli 1987
- 3). Awig awig puniki kararemin rahina Anggara Kliwon , Perangbakat sasih Kepitu Isaka 1912 tanggal 22 Januari 1991 ring Bale Desa Adat Sanding.
- 4). Awig awig puniki katureksa tur kaparipurnayang malih olih Tim Pembina , Peneliti panyuratan awig-awig Desa Adat Kabupaten Gianyar tanggal 18 Juli 1995.
- 5). Awig awig puniki kalinggatanganin olih Bandesa Desa Adat Sanding kasarengin olih kelihan Banjar sawewengkonin Desa Adat Sanding miwah kesaksinin olih Kepala dusun sawewengkonin Desa Sanding lan Kepala Desa Sanding, Camat Tampaksiring, Bupati Murdaning Jagat Gianyar maka murda pamikukuh.
- 6). Awig awig puniki kaparipurnayang kaping tiga tur sampun kararemin oleh paruman krama desa, Desa Adat Sanding, Tilem sasih ketiga, rahina Saniscara Umanis, Medangkungan , tanggal masehi 28 September warsa 2019, (isaka warsa 1941), ring Wantilan Jaba Pura Desa, Desa Adat Sanding.
- 7). Awig-awig puniki kalinggatanganin oleh Bandesa lan prajuru Desa Adat Sanding, Klian Adat sawewengkon Desa Adat Sanding, Perbekel Desa Sanding, Camat Tampaksiring.

១)

ស្តីពីការសិក្សាស្រាវជ្រាវ

២) របៀបវារៈសិក្សាស្រាវជ្រាវ





ប្រធានការិយាល័យសិក្សាស្រាវជ្រាវ

*[Signature]*  
(ប្រធានការិយាល័យសិក្សាស្រាវជ្រាវ)

ប្រធានការិយាល័យសិក្សាស្រាវជ្រាវ


*[Signature]*  
(ប្រធានការិយាល័យសិក្សាស្រាវជ្រាវ)

៣) របៀបវារៈសិក្សាស្រាវជ្រាវ



8). Luwir sang ngalinggatanganin ;


ha. Kapertama Prajuru Desa utawi Dulun Desa :




Penyarikan Desa Adat Sanding

  
(I Ketut Catur Darma Putra)

Petajuh Desa Pakraman Sanding

  
(I Made Suardana)

na. Kaping kalih Prajuru Dinas pinaka saksi



Camat Tampaksiring



Telah Diinstallasi di Kantor Bupati Gianyar melalui Dinas Kebudayaan Kabupaten Gianyar,

Pada tanggal 04 Oktober 2019

Nomor 18 Tahun 2019

